

仙方合集

苗子起



二

察切不可率相施之以自悞悞人也

一是編實熱虛寒對症用藥固已詳矣而或者曰痘未見點初覺發燒之際又似未傳表散之方也不知補中益氣湯內之升麻柴胡荆防地黃湯內之荆芥防風又何嘗非表散之藥乎不過兼固元氣恐痘頂不起耳設或表之不透不妨於散藥中略增少許無不透也

一是編之重刊恐不見信於人故將治驗諸症並取效各方俱一一詳載以備參考然盲瞽妄論知不免貽笑大方

一原編所載痘症總論辨痘法看耳法認痘法治法與夫四宜四忌發熱形色起張養漿收結痘毒以及麻疹俱宜詳

察細閱而後按症用方無不立見奇效。慎勿以編中未載之藥雜入方內。以致罔效。深負傳書者之厚意焉。
一遂生編與福幼編原共一本。今因痘症治驗有證。欲廣其仁。重刊遂生編。遍散四方。其福幼編專治慢驚。且亦有驗證。故並重刊。願天下後世得是書者。信而寶之可也。



驗證

壬辰四五兩月間。子女孫輩及奴子七人相連出痘。其中有重有輕。而用藥亦有當有否。茲特詳載。不獨可備。得是編者之選用。並可徵作是編者之良能也。第四女週歲餘。忽一日發燒。次日抽風。延醫視之。曰。恐是痘症。先給小藥丸一枚。食之。又開一方。表散而兼尅消。此女素體本弱。飲食少。大便秘。其方故未敢用。又更醫某某。並示以遂生編治法。伊等皆不爲然。仍用表散兼涼之藥。余始舍醫從書。按方自治。先用補中益氣湯二劑。痘現色不鮮明。且痘頂不起。知氣血不足。再用前方一劑。防地黃湯三劑。痘乃出透。見痘根紅色。隱隱

散漫四圍起而中降。卽編中所謂茱萸痘也。宜用大溫中飲。然猶恐肉桂太熱。未敢輕用。減去肉桂。服二劑。因其飲食無味。又加枸杞。故紙。錢各一連服三劑。痘已結痂。雖云效驗。究未深信。仍恐補藥過多。或亦非宜。其藥遂止。孰知未匝月。痂未落盡。而泄瀉作矣。余實不通醫。痘後諸症。遂生。編又無治法。不得已。復請醫某。據云。食寒。服藥二三劑。泄瀉未止。更加抽風。醫云。此急驚風也。仍用寒涼之劑。又服一劑。其病益劇。余隨檢查福幼編。專治慢驚風之加味理中地黃湯。連服四五劑。始愈。後隔兩三日。服荆防地黃湯一二劑。以調理之。如是者月餘。痂落淨而病若失焉。

又次子博厚方四歲亦是發燒一日又日抽風用補中益氣湯二劑痘現紅色散漫痘頂塌陷且泄瀉不止因前治第四女痘後失調重用肉桂業已收效故即用大溫中飲按原方分毫不減三劑又加枸杞故紙再服五劑果愈

又次女七歲其發燒抽風同前服補中益氣湯二劑頭臉上身痘已出齊而腿腳間俱隱而不現遂於原方中將柴胡加至一錢升麻加至五分又服二劑痘始出透其痘亦與次子同雖未泄瀉而痘之塌陷者俱破流黃水即用大溫中飲且加枸杞故紙連服七劑愈矣

又第五女生纔五月先因生瘡疥曾服許多涼藥忽發燒即

用補中益氣湯表之二日後痘現不獨紅色散漫且大片平鋪卽編中所謂蒸餅痘也更兼破流黃水而尤可畏者水瀉不止用大溫中飲三劑不愈再用大補元煎二劑不愈又用六味回陽飲與大補元煎相間服二劑水瀉稍止而所瀉亦略有黃色知有轉機遂仍用大補元煎更加龍骨槧殼晝夜頻頻灌之又五劑始愈。

又第三女五歲奴子川兒三歲同日發燒用補中益氣湯二劑三日後痘俱現皆是頂尖圈紅小而充實卽編中所謂珍珠痘也其中間有平塌者乃氣之稍有不足故耳以補中益氣湯與荆防地黃湯相間各服五六劑皆愈因痘之形色本

佳且顆粒稀疏更兼飲食有味三便如常故不必多服補藥
又孫輔仁三歲發燒三日用補中益氣湯表之痘現亦紅色
散漫痘頂塌陷且破流黃水用大溫中飲二劑又加枸杞故
紙三劑頗覺見效因其灌藥甚難且天氣過熱又見已灌濃
漿遂止藥不服孰知止藥後七八日竟不結痂幸是兒素體
稍壯故無他症趕緊以大溫中飲縛而灌之五六劑始得結
痂而愈其痂宜至四五十日後始行落盡蓋因燒漿結痂吃
陽充足之說
信不誣也

遂生編云古書所載逆症今治愈甚多是以書內所云不治
症概不列入焉此真各言也須知痘症治果得宜必無死

者如我一家接連七人出痘雖皆治愈然其中用藥之得失已可概見如第四女初出痘時未敢輕用肉桂以致痘後弱症補用肉桂等藥卽獲痊愈如小孫正當化毒成膿漿乾痂結之時一旦止藥幾至不能收結彼時雖趕緊補治究不免痂落遲而症愈緩此卽用藥失當之證又如第五女其痘極重其症極虛故其藥極熱而服之極多不獨愈之極速而痂落斑化極淨此用藥得宜之驗也得是編者當深體之

痘症要言

認痘之形以充實尖圓爲上辨痘之色以圈紅束根爲貴識症之法以飲食有味二便如常爲要治痘之道以溫補兼散

為主愈後調理以荆防地黄湯爲安果如是則天下之赤子
可保而莊在田先生之堂可升而軍司入矣。

附錄經驗雜說

凡小兒初覺發燒或於認耳試指之法未能辨清卽於貼腮
項上摸之必有痒子。頗似癰瘡卽是痘也。用補中益氣湯表之。
見點後如果尖圓紅潤且飲食有味二便如常可勿服藥。縱
或服藥亦不過補中益氣與荆防地黄湯耳。倘表出後痘頂
不起更兼泄瀉等症是虛寒有據無論通身痘苗齊否宜趕
緊服大溫中飲不但可補虛寒並可托痘速出其症果重再
用大補元煎等方無不效也。

痘發癢用紅棗燒烟薰之即解

痘有夜睡不寧者。即於現服方內加棗仁一錢。即愈。

痘破流膿水。用水礪散敷之。即愈。破而不流膿水。用雞蛋油調水礪散敷之。亦妙。

痘痛亦有治法。因未經驗。不敢妄錄。

痘重必封眼。封眼固妙。但小兒有因封眼哭鬧者。用胭脂水。棉花拭之。即開。毫無妨碍。

肉桂乃治虛寒痘之要藥。斷不可少。無論地道。只要有油。即可愈病。倘無肉桂。或貧苦人家無力購買。以桂子代之。亦可用肉桂須將粗皮去淨。

再有告者果肯信用是書則不必請醫何也醫家必不以爲是縱或治法相同其藥亦斷不能一味不差倘有外誤惟負傳者之心且更加重刊者之罪也切囑切囑

藥性

補中益氣湯 八味

黨參 大補元氣

當歸 和血散內寒使血氣各有所

黃芪 炙則補中益氣痘症陽虛

白朮 和中補脾在血

陳皮 理氣燥濕同補藥則補同渴藥

炙草 補三焦元氣表

升麻

表散風邪升陽氣於陰之下引

柴胡 宣揚氣通

荆防地黃湯 八味

荆芥

入肝經氣分兼行血分助脾消食通利血脈

熟地

滋腎水補真陰填骨髓生精血為補血之上劑

山藥

清虛熱固腸胃化痰止渴補脾肺二經

丹皮

瀉血中伏火和血涼血而生血破積血通經脈

防風

升浮為陽又行脾胃二經去風勝濕之要藥

雲苓

助陽利竅寧心益氣定魂安魄

山萸

補腎溫肝固精秘氣強陰助陽安五臟通九竅

生草

瀉心火補脾胃

大溫中飲

十味

麻黃

性熱發汗去寒邪調血脈

肉桂

大熱氣厚純陽入肝腎血分益陽消陰

炮薑

大熱除胃冷而守中溫經止血能去惡生新使陽生陰長

餘藥前方註明

大補元煎

十二味

杜仲

潤肝燥補肝虛兼補腎

棗仁

專補肝膽炒能助陰氣寧心療胆虛不眠生療胆熱好眠

故紙

煖丹田壯元陽縮小便

枸杞

潤肺清肝滋腎益氣生精助陽利大小腸



附子

大熱純陽能引補氣藥以復散土之元陽引補血藥以滋不足之真陰

餘藥前方註明

六味回陽飲

各藥性前已註明

白虎地黃湯

因未經驗故不註

各方藥引

生薑

辛溫行陽分祛寒發表宣肺氣解鬱調中暖胃口

黃酒

用為嚮導可以通行一身之表引藥至極高之分醇而無灰陳久者良

龜心土

調中止血去濕消腫

核桃仁

溫肺潤腸補氣養血

胡椒末

辛熱純陽煖胃快膈下氣消痰

遂生編敘

海內醫書汗牛充棟然無病之家非所急也惟幼科痘症自
中外以及率土小民皆不能免險症最多無不恐懼之至而
望救之殷倘有良方必當家喻戶曉毘陵莊在田先生江南
宦族牧民於江漢有年凡見對口發背及一切癰疽輒與之
方莫不應手而愈楚人稱之爲神外科非一日矣乾隆丁酉
曾著福幼編專治慢驚屢收奇效久已風行海內今著遂生
編專醫痘症理明詞達起死回生雖逆症亦可治愈真濟世
金針活人秘寶何可一日無之余至荆南因夢兆得見此編
展須迴環手不能釋爰囑其亟付棗梨爲赤子立命爲幼科

指迷濟世陰功莫大於此得是編者謹宜什襲藏之以備拯
救○慎毋以爲與古書不同仍聽信時醫貽誤也是爲序

嘉慶二年丁巳仲春上浣

誥授光祿大夫兵部尚書湖廣總督年家鄉眷弟畢沅拜撰
痘科證治大都皆係清熱敗毒此編獨言溫補氣血余子
姪孫甥遭清熱敗毒而斃命者言之寒心用溫補氣血而
得生者指不勝屈二十年來經驗確鑿方敢筆之於書所
謂幼吾幼以及人之幼也然究係管見螢光未知果有濟
於生靈性命否聊記數言敬候

名賢斧削云爾

在田王人識

痘症總論

語云走馬看痘症。極言其變症之速也。經云痘稟於陰而成。於陽譬之種痘。亦必天氣陽和地土溫煖。方能發生。人身之痘亦猶是也。痘之將出。全仗真陽托送。斯時培補氣血。尚且不暇。何堪剋削。無如近代痘師。但見發熱。便用寒涼。無非連翹、大黃。及一切涼藥。元氣乍虧。痘瘡立陷。又云痘之一症。有神司之。某家子本好痘。轉瞬間換爲壞痘。而斃。如果神欲殺之。當其初。何不卽與其壞痘。先與其好痘。而換爲壞痘。神何心哉。委因不知培補。妄行攻伐。此立時告變之明徵也。走馬看痘症。痘神換壞痘。此二語。舉世相傳。迷而不悟。縱更換醫。